



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De sanctimoniali, cui crucifixus tenebras temperauit, cap. 22.

urn:nbn:de:hbz:466:1-13177

tum honorem exhibuisset, ex consilio singillatim reuersi sunt, nec tamen alicui eorum inclinatum est, nisi cui prius: tunc causam sciscitantes, cum ille dicere se indignum esse tanto honore, quæ suprà dicta sunt memoriae occurserunt: quæ cum fratribus retulisset, mirari sunt de tanta Dei humilitate, scientes imaginis eius inclinationem facta fuisse pro gratiarū actione.

CAPVT XXII.

Soror quædam ordinis nostri, capellam orationis ingressa, cum ante altare coram crucifixo psalmos legeret, & cum tardè esset, custos illam ibi esse nesciens, ostium forinsecus clausit, & recessit: quod cum illa intrinsecus audiret, nec tamen pulsare presumeret, ibidem pernoctauit: & sicut ab eius ore audiui, radius quidā, ad instar stellæ, de brachio extensis crucifixi, tantum ei luminis præstítit, ut in tenebris, illius beneficio, psalmos suos legeret. Est super idem altare imago virginis lignea, filium tenēs in sinu, cum quæ sanctimonialis tempore quodam coram illa psalterium lecitaret, puerulus inopinatè aduenit, & quasi scire vellet quid illa legeret, in librum respexit, & rediit. Est autem eadem venerabilis femina laica & vidua, multumque circa ordinem nostrum feruens ac deuota, plurimas habens à Deo consolationes.

CAPVT XXIII.

Nouius quidam in Hemmenrode, cum vice quadam in choro ad versiculum sanctæ Trinitatis deuotè inclinaret, crucem fronti suæ imprimi sensit, & puto quod eadem hora cogitauerit de passione. Vocatur autem Hermannus, & adhuc vivit. APOL. Puto quod sculptores & pictores sacrarū imaginum aliquod speciale præmium ex hoc percipiant. CÆSARIVS: De hoc dubitare non debes, si tamen magis sit deuotio, quam auaritia mercidis in causa.